

SCRIPT OF EVENING GOJRI NEWS BULLETIN 3SEP 2026 1700HRS

اوننگ گوجری نیوز بولیٹن 3 ستمبر 2026

یوہ آکاشوانی جموں ہے عبیدلرحمان تے نصرت تیں خبر سُنو۔

HEADLINES

- ۱۔ وزیر اعلیٰ عمر عبداللہ نے سرینگر مانہ جے ڈی اے تے ایس ڈی اے غا بورڈ آف ڈائریکٹرز غی میٹنگ غی صدارت کی۔
- ۲۔ پیٹرولیم تے قدرتی گیس ضابطہ بورڈ گا ایک وفد نے چئیرپرسن ڈاکٹر انل کمار جین غی قیادت مانہ وزیر اعلیٰ عمر عبداللہ نال ملاقات کی۔
- ۳۔ چیف سیکرٹری اٹل ڈلو نے جموں کشمیر مانہ پانی ٹرانسپورٹ تے وزیر اعظم ، ای ٹرائیو اقدامات گو جائیزو لیو۔
- ۴۔ جموں خطو آئندہ کل جنم اشٹمی گو تہوار منان وستے پُر جوش ہے۔
- ۵۔ محکمہ موسمیات نے جموں کشمیر غے اندر آئندہ دناں واسطے خشک موسم غے نال کئی جگہاں ور ہلکی بارش تے گرج چمک غی پیش گوئی کی ہے۔

CM JDA/SDA BoDs

وزیر اعلیٰ عمر عبداللہ نے اج سرینگر مانہ جموں ترقیاتی اتھارٹی تے سرینگر ترقیاتی اتھارٹی غا بورڈ آف ڈائریکٹرز غا اجلاس غی صدارت کی۔ جے ڈی اے غو یوہ 91 ویں جد کہ ایس ڈی اے غو یوہ 85 ووں ، بورڈ اجلاس تھو۔ اجلاس غے دوران وزیر اعلیٰ نے جموں تے سرینگر غا شہری منصوبہ بند تے پائیدار شہری ترقی تیں متعلق اہم اقدامات غو جائیزو لیو۔ اجلاس مانہ دواں دارلحکومت شہراں مانہ بُنیادی ڈھانچہ نانہ بہتر بنان تے لوکاں واسطے زندگی نانہ آسان بنان ور توجہ دتی گئی۔ اس تیں علاوہ گزشتہ بورڈ اجلاساں مانہ لیا گیا فیصلاں ور عمل درآمد غی صورتحال گو وی جائیزو لیو گیو تے شہری بُنیادی ڈھانچہ غی ترقی تیں متعلق بکھ بکھ معاملات ور غور کیو گیو۔

CM PNGRB DELEGATION

پیٹرولیم تے قدرتی گیس ضابطہ بورڈ گا ایک وفد نے چئیر پرسن ڈاکٹر انیل کمار جین تے بھارت پٹرولیم کارپوریشن لمیٹڈ گا اعلیٰ حکام غی قیادت مانہ وزیر اعلیٰ عمر عبداللہ نال سیول سیکرٹریٹ سرینگر مانہ ملاقات کی۔ اس ملاقات غے دوران وفد غا ممبراں نے وزیر اعلیٰ عمر عبداللہ نال جموں کشمیر غے اندر تیل تے گھیس غا تعمیراتی ڈھانچہ نانہ مزید بہتر بنان وستے کئی امور ور تبادلہ خیال کیو ہے۔

CS WATER TPT

چیف سیکرٹری اٹل ڈلو نے اج جموں کشمیر مانہ دریائے جہلم تے چناب ور ، اندرونی ملک آبی آمدرفت شروع کرن غی پیش رفت تے عمل درآمد غو جائیزو لیو۔ انہاں نے مرکزی حکومت غی پی ایم ای ، ڈرائیو سکیم غے تحت جموں کشمیر

مانہہ الیکٹرک گڈیاں غا بُنیادی ڈھانچہ غا قیام غو وی جائیزو لیو پیش رفت غو جائیزو لیتا واں اٹل ڈلو نے تمام ضروری بُنیادی ڈھانچہ گا کم مقررہ وقت غے اندر مکمل کرن ور زور دتو۔ اُن مانہہ ٹرمینلز ، رسائی غی سہولیات، نیویگیشن گو انتظام تے بجلی، جیسی دیگر سہولیات غی لائین نانہہ منتقل کرن سمت رستہ مانہہ آن آلی رُکاوٹاں نانہہ دور کرنو شامل ہے ، تانجے مقررہ وقت توڑی آبی آمدرفت شروع کی جاسکے۔ اجلاس مانہہ اٹل ڈلو نانہہ جہلم ، چناب تے راوی دریا گا منتخب حصار مانہہ اندرونی ملک آبی آمدرفت غی سہولیات تیار کرن واسطے کی جارئی پیش رفت غا بارا مانہہ وی دسیو گیو۔

TRAFFIC AWARENESS UDH

ضلع ادھمپور مانہہ سڑک تحفظ تے سڑک حادثاں نانہہ روکن خاطر ٹرانسپورٹ محکمہ ڈرائیوراں تے موٹر سائیکل چلان آلا افراد مانہہ بیداری پیدا کرن واسطے بڑا پیمانہ ور کوشش کر رہیو ہے۔ اس موقعہ ور اے آر ٹی او، ادھمپور، مُدرس اقبال نے تمام ڈرائیوراں تیں اپیل کی ہے کہ وے تیز رفتاری نال گڈی چلان تیں پرہیز کریں تے سکوٹر تے موٹر سائیکل چلاتاں وقت ، ہیلٹ گو استعمال ضرور کریں۔ ٹرانسپورٹ محکمہ وی اس سلسلہ مانہہ کئی جگہاں ور بیداری مہم چلا رہیو ہے تے ٹریفک قوانین غی خلاف ورزی کرن آلاں نانہہ دسیو جارہیو ہے کہ وے کس طرح عام لوکاں غی جان وستے خطرو بنیں حکام نے موٹر چالکاں نانہہ ہدایت دتی ہے کہ وے ٹریفک قوانین نانہہ صرف ضابطاں غا طور ور نانہہ دیکھیں بلکہ ان قوانین نانہہ ضروری حفاظتی تدابیراں گا طور ور سمجھیں۔ اس سلسلہ مانہہ مزید گل بات کرتا واں ، اے آر ٹی او ادھمپور مُدرس اقبال نے اس طرح کہیو۔-----

TRAFFIC POONCH

ضلع پونچھ غے اندر ہر روز بدھتی سڑک حادثاں غی تعداد نانہہ دیکھتاں واں ٹریفک پولیس نے محکمہ تعلیم غا سانجہ تال میل نال گورنمنٹ گرلز ہائیر سکینڈری سکول پونچھ مانہہ روڑ سیفٹی متعلق ایک بیداری کیمپ گو انعقاد کیو۔ اس بیداری کیمپ گو بُنیادی مقصد نوجوان طبقہ نانہہ سڑک حادثاں متعلق بیدار کرنو تھو۔ پروگرام غے دوران طالب علماں تے نوجوان ڈرائیوراں ور خصوصی توجہ دیتا واں کہیو گیو ہے کہ وے سڑک گو ذمہ داری نال استعمال کریں تے ٹریفک قوانین غی پاسداری کرتا واں سڑک حادثاں تیں خود نانہہ محفوظ رکھیں۔ پروگرام مانہہ خصوصی توجہ نوجواناں ور دتی گئی تانجے اس طبقہ غے اندر شعور تے ذمہ داری گو جذبہ پیدا وے تے سڑک حادثاں ور قابو پایو جاسکے۔ اس سلسلہ مانہہ مزید گل کرتا واں ڈی ٹی آئی پونچھ، احمد دین نے اس طرح کہیو۔-----

JANMASHTAMI

جموں خطو آئندہ کل جنم اسٹمی گو تہوار منان وستے تیار ہے۔ اس دوران بازاراں نانہہ بکھ بکھ رنگاں نال سجایو گیو ہے تے دُکاناں ور بڑی تعداد مانہہ لوک دیکھیا جارہیا ہیں اس تہوار غا موقعہ ور لوک بھگوان کرشن غی مورشتی روایتی کپرا سجاوٹ گو سامان مٹھائی تے پوجا وستے دوجی ضروری اشیائ خرید رہیا ہیں۔ اس موقعہ ور پولیس تے ضلع انتظامیہ غی طرفوں حفاظت غا کڑا انتظام کیا گیا ہیں

تے کئی حساس جگہاں ور تلاشی تے گشت کی جارٹی ہے ۔ اس دوران سناتن دھرم
سبھا کشتواڑ نے عقیدت منداں نانہہ کہیو ہے کہ وے اس تہوار نانہہ جوش و
خروش نال مناویں تے ایس ایس پی کشتواڑ نے اس موقعه ور حفاظت گا پورا
انتظامات غی یقین دبانی کرائی ہے۔ آکاشوانی غا خیراں آلا شعوبہ سنگ گل کرتا
واں سناتن سبھا گا ایک اہلکار نے اس طرح کہیو----- اس موقعه ور بولنا واں ایک
ٹریفک پولیس افسر نے اس طرح کہیو-----

PROPERTY ATTACHED

پولیس نے آج جموں کشمیر غا بارہمولہ ضلع مانہہ کالعدم دہشت گرد تنظیم جماعت اسلامی تیں منسلک کئی جائیدادان نانہہ ضبط کیو ، جن مانہہ ایک سکول وی شامل ہے۔ پولیس نے شمالی کشمیر غا اس ضلع غا سوپور علاقہ مانہہ دو عمارتاں، 6 دُکاناں تے دو کنال زمین نانہہ ضبط کیو ہے۔ یہ کاروائی غیر قانونی سرگرمیاں غی روک تھام بارے ایکٹ غے تحت قانونی کاروائی مکمل کرن تیں بعد کی گئی۔ یہ جائیداد سوپور پولیس سٹیشن مانہہ یو اے پی اے غی بکھ بکھ دفعات غے تحت درج ایک معاملہ غی تحقیقات غے دوران باندھے آئی ہے۔ مسلسل تحقیقات ، سرکاری تے محکمہ مال غا ریکارڈ غی جانچ تے متعلقہ حُکام تیں تصدیق تیں بعد یاہ گل باندھے آئی ہے کہ ان جائیدادان گو تعلق جماعت اسلامی سنگ ہے۔

PROG ANN

آکاشوانی جموں غو علاقائی خبراں آلو شعبو ، اُستاد بارے قومی تہاڑا غا موقع ور 5 ستمبر نانہ تہاڑی گا ساڈھا 12 بجے، 30 منٹاں ور مبنی ایک خصوصی مباحثہ ور پروگرام نشر کرے غو۔ اس خصوصی پروگرام گو موضوع وے غو، اُساتزہ حقیقی راہ دسن آلا۔ اس پروگرام مانہ مارا مہمان خصوصی وین غا جموں کشمیر تیں 2026 گا نیشنل ٹیچرز اعزاز یافتہ ، جناب محمد ایاز رینا، جھیڑا پروگرام غا موضوع ور اپنی قیمتی رائے تے تجربات سانجہ کریں گاتے پروگرام غی میزبانی کریں گا مارا انکر جگموہن شرما۔ پیش ہے پروگرام غی ایک جھلک-----

CRICKET TOURNEY POONCH

شہید ڈی ایس پی پنحیت سنگھ میموریل ٹی 20 کرکٹ مقابلہ 2026 غو اج پونچھ غا سپورٹس سٹیڈیم مانہ افتتاح کیو گیو۔ یے مقابلہ ضلع پولیس پونچھ غی جانب تیں منعقد کیا جارہیا ہیں ، جس مانہ ضلع بھر تیں 56 کرکٹ ٹیم حصو لے رئی ہیں ٹورنامنٹ غو باقاعدہ افتتاح، ایس ایس پی ، پونچھ شفقت حسین بھٹ نے کیو۔ انہاں نے کھیڈاریاں سنگ ملاقات کی تے انہاں نانہ مقابلہ غے دوران کھیڈ گا اعلیٰ معیار، نظم و ضبط تے ٹیم گا جذبہ بارے مظاہرہ کرن غی ترغیب دتی۔ یہ کھیڈ غا پروگرام اُن بہادر پولیس اہلکاراں غی عزت تے یاد مانہ منعقد کیا جارہیا ہیں جنہاں نے اپنی ڈیوٹی انجام دیتا واں ملک واسطے اپنی جان قربان کی۔ بعد مانہ ذرائع ابلاغ سنگ گل کرتا واں ایس ایس پی، پونچھ نے اس طرح کہیو-----

WEATHER

محکمہ موسمیات نے جموں کشمیر غے اندر آئینده دناں مانہہ موسم عام طور ور خشک رہن غی پیشن گوئی کی ہے۔ اس دوران کئی جگہاں ور ہلکی بارش تے گرج چمک غا وی امکان ہیں۔ آئینده کل وستے کئی جگہاں ور درمیانہ درجہ غی بارش ہوسکے تے 40 تیں 50 کلو میٹر فی گھنٹہ غی رفتار نال تیز ہوا وی چل سکے۔
محکمہ موسمیات نے اس طرح گا موسم مانہہ کئی جگہاں ور سیلاب پسی تے پتھر آن غی وی پیشن گوئی کی ہے۔
